

MEMORIJALNA PREDAVANJA PROF. DR. ZDRAVKO GREBO (1947-2019)

Povodom godišnjice smrti profesora Pravnog fakulteta u Sarajevu, *Zdravka Grebe* (30. juli 1947. – 29. januar 2019), Centar za javno pravo uz podršku Fonda otvoreno društvo BiH najavljuje seriju predavanja kojima želi podsjetiti na *Grebin* akademski, socijalni i politički angažman. Praktično djelovanje profesora *Grebe* je u bivšoj Jugoslaviji imalo konture sistematskog rada na razvoju pravednog društva. Za vrijeme rata i u postratnom periodu bio je „živa institucija“ koja je od univerziteta do ulice branila kulturu pred barbarstvom, poziciju čovjeka pred svim formama kolektivističkog nasilja i vrijednost racionalnog prava pred voluntarizmom.

Uz njegovo ime se otvara pitanje mjere akademskog angažmana u politici, nevladinom sektoru i socijalnim pokretima, a time i pitanje razumijevanja i reakcija na izazove aktuelnog trenutka u Bosni i Hercegovini, Srbiji i Hrvatskoj. Riječ je, dakle, o zemljama bivše Jugoslavije koje su uvezane u bosanskohercegovačke ustavne i političke stranputice.

Memorijalna predavanja će upravo zbog toga tematizirati probleme koji opterećuju odnose u BiH i susjednim zemljama. Predavači su ugledni intelektualci: *Sonja Biserko* (Beograd), *Ivan Šarčević* (Sarajevo), *Žarko Korać* (Beograd), *Tvrtko Jakovina* (Zagreb), *Edin Šarčević* (Leipzig) i *Dejan Jović* (Zagreb). Oni će izabrane probleme predstaviti ideološki neutralno i u skladu sa strogim metodološkim zahtjevima vlastite struke. Spektar tema obuhvata rekonstrukciju odnosa Hrvatske i BiH, Hrvata prema BiH, smisla i dometa „srpskog sveta“, etičnosti u politici, unutrašnje logike autoritarnih društava i prava naroda na samoopredjeljenje. Predavanja su otvorena, pristup je moguć u online formi putem Zoom-aplikacije.

Centar za javno pravo uspostavlja kulturu dijaloga i ovom najavom pozivamo, i na predavanja, i na učešće u raspravi kako bi se predstave o događajima i praktičnoj politici rasteretili mitologiziranih slika i oslobodile debelog sloja ideoloških naslaga nanešenih po stvarnim događajima.

Demistifikacija političke prakse koja je obesnažila poziciju samog čovjeka i dignitet njegovog dostojanstva u cjelini korespondira sa sveukupnim angažmanom *Zdravka Grebe*.

Termini predavanja:

- | | |
|-------------------|---|
| 10. februar 2022. | Sonja Biserko: Srpski svet – reakcije civilnog sektora |
| 17. februar 2022. | Ivan Šarčević: Moralna politika u BiH? |
| 24. februar 2022. | Žarko Korać: Društveni stavovi i struktura ličnosti – iskustva tranzicije |
| 10. mart 2022. | Edin Šarčević: Pravo naroda na samoopredjeljenje sa otcjepljenjem |
| 18. mart 2022. | Dejan Jović: Hrvatsko-bosanskohercegovački odnosi |
| 24. mart 2022. | Tvrtko Jakovina: Kakva Bosna i Hercegovina bi trebala Hrvatskoj i Hrvatima |